

**Godin Akam Inigha Izir  
 Gumazim  
 Sefanaian Akınafarim  
 O  
 Sefanaia  
 Akar faragħha zuim**

Dughiar atrivim Josaia Judabar arazir kuraba akirizimin, Sefanaia ġin iza Ikiavira Itir God a ganingizir akabav gei. (Ni 2 Atriviba, sapta 22 ko, 23in gan.) Sefanaia ghaze, Judan adarazi arazir kurar me Godin ziam fava amiba ataghiragħam. Puvatightima, God me bagħ osimtizir ekiam amadagħti a izam.

Sefanaia uaghan migia ghaze, kantrin igharazir Judabar apanim gamiba, God uaghan me gasighasigham. Eġhti Jerusalem uaghan ikuvigham. Eġhti gumazamizir navibagh iragħha arazir aghuibagh amiba, me deraghvir akiām. Eġhti ġin Jerusalem ua deragh otogħti, gumazamizir Godin damazim in deraziba an aven ikiām.

**Ikiavira Itir God Izamin Dugħiam  
 Otogħam**

*(Sapta 1--3)*

*Ikiavira Itir God Izamin Dugħiam otogħti, a gumazamiziba isi kot dar iġħam*

<sup>1</sup> Emonin otarim Josaia, a Judan atrivimin itima,

---

**1:1:** 2 Atriviba 22:1–23:30; 2 Eghagħaniba 34:1–35:27

Ikiavıra Itir God akar kam Sefanaia ganıngi. Sefanaia Atrivim Hesekian anabamın oto. Kusi, a Sefanaian afeziám, ezi Kusin afeziám Gedalia, ezi Gedalian afeziám Amaria, ezi Hesekia Amarian afeziám.

<sup>2</sup> Ikiavıra Itir God kamaghın Sefanaia migei:

“Ki nguazir kamin itir biziba bar ada avigha da makunizi moghin, dagh asighasigham,

<sup>3</sup> kar gumazamiziba bar moghira, ko asıziba, ko kuarazir overiamın mighagha aruiba, ko osirir ongarimin aruiba.

Bizir kaba gumazamizibagh amima, me arazir kurabagh ami,  
ki bar ada agıvaghan.

Eghti tam ua ikian kogham.

Ki Ikiavıra Itir God, ki mıkemegha gifा.

<sup>4</sup> “Judan gumazamiziba ko Jerusalemin gumazamiziba bar moghira,

ki mızazim me gasegham.

Asem Balın ziam fer arazimin bizir ikiavıra itir vaghvaziba, ko an ofa gamir gumaziba,

ki bar me gasighasigham,

eghti gumazamiziba ua me ginighnighan kogham.

<sup>5</sup> Gumazamizir uan dípenibar isiriabar ghuvanaga, aruem ko, iakinim ko, mıkovezibar ziaba feba,  
ki me gasighasigham.

Gumazamizir avirim nan ziam fa kamaghın migei,

‘E Ikiavıra Itir Godın ziamın pın an akakagha ghaze, Bar guizbangıra, e an gin zui.’

Ezi puvati, me uaghan asem Molekin ziam fa  
ghaze,

‘E asem Molekin ziamin pin akakagha ghaze,  
Bar guizbangira, e asem Molekin gin zui.’

Kamaghin amizi, ki me gasighasigham.

**6** Gumazamiziba akirim na gasa, ua nan gin zuir  
puvati,  
egha tuavim uarir akakaghaha na bagha iza,  
nan azangsizir puvati.

Ki uaghan gumazamizir kabagh  
asighasigham.”

**7** Ikiavira Itir God Izamin Dughiar Ekiam a roghira  
izegha gifा.

Kamaghin amizi, ia an boroghin izi nimira iki.  
Ikiavira Itir God uan gumazamiziba me  
misoghasava ami,  
mati gumaziba ofa damuasa asizibav sosi.  
Egha gumazir igharazibar diazi me iza garima,  
a uan damazimin zuezir arazim damuasa me  
migei.\*

**8** Ikiavira Itir God ghaze,  
Dughiar ki uan gumazamizibav soghamim,  
ki atrivimin gumazir dapaniba ko, atrivimin  
otariba ko, kantrin igharazibar arazibagh  
amir gumazamiziba,

\* **1:7:** Vezin kamin akar isin zuim, a kamaghin migia ghaze,  
bizar God damuasa mikemeziba, da mati gumaziba God bagh ofa  
damuasa amizir bizibar dughiam. Me asizibav sogha ofabagh ami.  
Egha me gumazir igharazibar deima me iza me ko uari akuvava  
asizir ofan kaba api. Ezi e deragha fozir puvati, akar isin zuim,  
gumazir igharazir kaba, me taia. Gumazir maba ghaze, kar God  
diazir gumazir izi Judabagh asighasighamiba.

ki me gasighasigham.

**9** Dughiar kamin, gumazamizir asebar ziaba fa,  
uan gumazir ekiamin dipenim damuti a  
izivasa,  
me okiava gumazibav sozi me ariaghiri,  
gumazir kaba, ki me gasighasigham.

**10** Ikiavira Itir God ghaze,  
Dughiar kamin ia oraghti ararem Osirir Tiar  
Akar Jerusalemin itimin ikegh otivam,  
eghti azirakam Jerusalemin ruaghatevir  
igiamin ikegh otivam.

Egh ia oraghti, mighsiabagh isin dipeniba iri,  
pamten tingaham.

**11** Ia ganti, ian gumazir dagiar ingangaribagh  
amiba,  
me bar arimighiregham.

Kamaghin amizi, ia nguabar ekiamin danganir  
zarinmin iki, bizir kaba baragh aziam.

**12** Dughiar kamin, ki lamba inigh Jerusalemin ave-  
riam buriam.

Gumazir nan arazibagh ifongezir puvatiziba,  
me ghaze me uari biziba bar dar amuam.

Me ghaze God pura iti.

A gumazir aghuibar akurvazir puvatigha,  
gumazir kurabar araziba ikarvazir pu-  
vatii.

Eighti ki gumazir kabagh asighasigham.

**13** Gumazir kaba, gumazir igharaziba izi  
men biziba okemegh, men dipenibagh  
asighasigham.

Me dipenir igiabar ingarigh, dar ikian kogham.

Egh wainin azenir me opariba,  
me dar wainin dipabar aman kogham.

**14** Ikiavira Itir God Izamin Dughiar Ekiam, a roghira ize,  
egh a bar zuamiram otogham.

Ikiavira Itir God Izamin Dughiar Ekiam, a gu-mazamizibar amuti,  
me bar osemegham.

Dughiar kamin, m̄idorozir gumazir gavgaviba,  
me uaghan atiating pamten arangam.

**15** Dughiar kamin, Ikiavira Itir Godin aningagharim azenim giram,  
eghti gumazamiziba osimtzir ekiamin aven iki men naviba bar ikuvigham,  
eghti biziba tintinimin ikuvam.

Egħti ghuardiaba aruem avaragħti,  
mitater pigha duar dafam otogham.

**16** Dughiar kamin m̄idorozir sīħam arangti,  
m̄idorozir gumaziba izi,  
nguibar ekiar dīvazir gavgaviba itiba ko  
dipenir gavgavir ganganir gumaziba itiba,  
me dav soħġ pamten mikkim, dimiva arangam.

**17** Ikiavira Itir God kamaghin migei,  
Gumazamiziba arazir kurabar na gami,  
kamaghin amizi, ki bizir kurar avirim damuti  
da me bativam,

eghti me damazir okavirizibar min pun-pun, daruamin tuaviba buriam.

Eghti men ghuziba dipamin min iriti me arimighiram.

Eghti men kuaba nguazim gisin kurighiri mati afiar buariba.

**18** Dughiar kamın, Ikiavira Itir God uan aningagharim akaghram,  
eghti men gol ko silva tong bar men akuraghan kogham.  
Bar puvatigham.

An aningagharim, avimin min otogh nguazimin ruaghateviba  
bar dar isigham.

A zuamiram otogh, nguazimin gumazamiziba  
bar me agivagham.

## 2

### *Gumazamiziba navibagh iragh*

**1** Ia kantrin kamın gumazamiziba,  
ia uan arazir kurabar aghumsizir puvati.  
Ia deravira arazir kam ginighnigh,  
egh a bagh aghumsigh.

**2** Puvatighti, Ikiavira Itir God uan aningagharim akaghti,  
ia ikuvigham mati akimariba midii.

Puvatighti, Ikiavira Itir God ian ataram,  
eghti an adarim avimin min ian isiam.

**3** Ia gumazamizir uari abira, Ikiavira Itir Godin apengan itiba,

ia a bagh izi a baghvira iki.

Egh uari abinigh Godin damazimın arazir  
aghubar amu.

Ia kamaghın damuti, Ikiavıra Itir God uan  
anıngagharim amadaghti  
a izi arazir kuraba ikarvaghamin dughiam,  
ia ti an aven modogh deraghvıra ikiam.

*Judan kantrin boroghin itir kantriba Ikiavıra  
Itir God me gasighasigham*

<sup>4</sup> Ikiavıra Itir God Filistian kantri gasighasichti,  
gumazitam Gazan nguibar ekiamın ikian  
kogham.

Eghti Askelonın nguibar ekiam uaghan  
gumaziba puvatigham.

Asdotin itir gumazamiziba, apaniba dughiar  
vamiran me batuegham,  
egh me uaghan Ekrönin itir gumazamiziba  
batuegham.

<sup>5</sup> O Filistian ongarir dadarimın itiba, ia iku-  
vigham.

Ikiavıra Itir God ia isa kot gatıgha gifा.

A ia gasighasichti, ian tav ikian kogham.

<sup>6</sup> Ian nguazir ongarir miriamın itim, grazir kinim  
a batogham.

Danganir kamin sipsipbagh eghuvir gumaz-  
iba,

ia uari bagha dipenir doziba ko sipsipba  
ikiamin divazibar ingaram.

**7** Ez̄i Judan ikizimin ikiavira itir varazira, me ian  
nguazim iniam.

Eghti men sipsipba danganir kamin itir graz-  
ibar amiti,  
Judaba Askelonin nguibamin itir  
dipenibar dakuam.

Eghti Ikiavira Itir God, a men God,  
a me ko iki me damuti  
me deravira ikiam.

**8** Ikiavira Itir Godin Gavgaviba Bar Itim kamaghin  
migei,

“Ki Moapin kantri ko, Amonin kantri barazima,  
anong nan gumazamiziba dipova akar  
kurabar me migia uari fe.

Me pamten migia ghaze,  
me Israelia abinigh men nguazim inigham.

**9** Ki Ikiavira Itir Godin Gavgaviba Bar Itim, Is-  
raelian God,

ki zurara angamira ikia, guizbangira migia  
Akar Gavgavir kam gami,

Moapia ko, Amonia me ikuvigham,  
mati Sodom ko, Gomora ikuvizi moghin me  
ikuvigham.

Eghti ikarizir ataghatariba otivigh men nguazim  
bar anevegham.

Eghti amangsizim itir moziba nguibar kamin  
otoghti

a bar ikuvigh kamaghira ikiam.

Eghti nan adarazir ikiavira itir varazira,  
me, me misogh pura men biziba iniva,

men nguaziba iniam.”

**10** Moapia ko, Amonia uari fava akaba batosi,  
egha Ikiavira Itir Godin Gavgaviba Bar Itimin  
gumazamiziba,  
me dibovir akar kurabar me migei.

Kamaghin amizi, God me ikaragh  
pazavira me damuam.

**11** Ikiavira Itir God me damuti,  
me puviram atiatingam.

Kantriba bar, a men asebar amuti  
da pura bizir kınibar min otivam.

Eghti gumazamizir ongarimin miriamin itiba ko,  
gumazamizir ongarir arighatizimin itiba,  
me uan nguibabara ikiva  
uan teviba apir dapaniba avighiva an  
ziam fam.

**12** O Itiopian gumazamiziba, ia uaghan  
Ikiavira Itir God midorozimin aven ia  
misoghti  
ia arimighiram.

**13** Ikiavira Itir God uan gavgavimin Asirian gu-  
mazamizibagh asighasigham,  
kantrin kam a notin amadaghan iti.

Egh a men nguibar ekiam Ninive gasighasigham.  
Eghti nguibar ekiar kam dipaba puvatizir  
danganimin min otogham,

eghti gumazamiziba ua an ikian kogham.

**14** Bulmakauba ko, sipsipba ko, memeba ko, asizir  
atiabara izi a dakuam.

---

**2:12:** Aisaia 18:1-7    **2:13:** Aisaia 10:5-34; 14:24-27; Nahum 1:1--3:19

Apaniba dipenibar itir ter arariba isi tintinimìn da kunigham.

Kamaghìn amizi, dipenir kaba bar ikuvigham.

Egħiġi dīmagarimin kuarazir biariba ko, mighiaba ko, dariaba  
da pura izi dipenir kabar ikīva  
dar dipenir akiniba ko, tiar akaba ko,  
winduabar dapiagh ikīva arangam.

**15** Niniven adarazi nighnigha ghaze, me gavgavir  
ekiam iti,  
me ikuvighan kogham, kamaghìn amizi, me  
bar akonge.

Egħha me ghaze, men nguibar ekiam a uabira  
kantrin igharazibar nguibar ekiaba, bar  
dagh afira.

Ezzi bar puvati.

Bizir kurar kaba Ninive bato.

Ezzi nguibam ikuvigha kamaghira ikia,  
asizir atiabar danganim gava.

Gumazir an borogħin zuiba me atiatiava  
dapaniba roava bar an aghua.

### 3

*Ikiavira Itir God Jerusalemian arazir kuraba gin  
amada*

<sup>1</sup> O Jerusalem, ni ikuvigham.

Nin gumazamizibar araziba, Ikiavira Itir  
Godin damazimìn bar mizegħha, kurigha  
bar ikufi.

Me an akaba batogħa uan adarazira,  
paza me gami.

**2** Me Ikiavıra Itir Godın akam barazir puvati,  
egha Ikiavıra Itir God men araziba akıran me  
aghua.

Egha nighnizir gavgavim an ikian aghua,  
egha uarir akurvaghaha an azangsızir puvatı.

**3** Men gumazir dapaniba mati laionba, mıtiriam  
men azima  
me pamten arava aroi.

Ezi men gumazir kotaiba tuisıziba, mati afiar  
atiaba mıtiriam puv men azi,  
ezi me asiziba apava,  
gurumzaraghan bagha agharitam atizir  
puvatı.

**4** Godın akam inigha izir gumaziba deraghavira  
uan ingangarim gamir puvatı,  
egha ifaghata gumazamizibagh  
asighasığħasa pura me gifari.

Ofa gamir gumaziba, me bizir anogorogheziba  
paza dagh ami,  
egha uarira uarir akurvaghaha Godın Akar  
Gavgaviba otavkiri.

**5** Ezi Ikiavıra Itir God Jerusalemin ikiavıra iti.  
A guizin arazir aghuibaram ami, egha arazir  
derazir puvatıziba ana dagh amir puvatı.

Mizarazibar zurara, a guizin uan arazimin gin  
ghua,  
bar deragħha kotaibagh amua, gumazamiz-  
ibar araziba tuisisi.  
Egha ingangarir kam ataghixrazir puvatı.

Ezi gumazir kurar nguibar ekiar kamin itiba,  
me guizin arazimin gin zuir puvatı,

egha aghumsizir puvati.  
Bar puvati.

**6** Ikiavıra Itir God kamaghın migia ghaze,  
“Ki kantrin maba bar me agifa, egħa men nguibar  
ekiabagh asighasiki.

Ezi dar nguibar ekiar dīvazir gavgaviba itiba  
ko, dīpenir ruarir ganganir gumaziba itiba,  
da ikuvigha iti.

Gumazitaba nguibar ekiabar itir puvati,  
kamaghin amizi, gumazamiziba ua nguibar  
ekiabar aven itir tuavibagh aruir puvati.

**7** Ki ghaze gumazamiziba nan arazir kabar gan,  
nan apengan ikiam,  
egħ me nan amamangatighti ki men arazir  
kuraba akiram.

Egh ki deraghvira men sure gamizir biziba, me  
deragh dagh nighnighti,  
ki me gasighasighan kogħam.

Ezi me nan suren akaba barazir pu. Pu-  
vati.

Me zuamira ua dikavigha arazir kurabagh  
ami.”

**8** Ikiavıra Itir God kamaghın an gin zuir gumaza-  
mizibav gei,

“Ki men atara kamaghın uan nighnizim  
akirigha gifha,  
ki kantriba bar dar gumazamiziba inigh izi  
me akuvagh,  
men arazir kuraba ikarvagħam.

Egħiżi nan aningagħarim avimin minn nguazir  
kamīn danganiba bar dagħi asighasigham.

Kamaghin amizi, ia nighnizir aviribar amuan  
marki.

Ia Dughiar ki kantriba bar dar gumazamiziba isi  
kot darighamim bagh pura mizuam iki.

<sup>9</sup> “Dughiar kamin, ki kantriba bar dar gumazamiz-  
iba migeir migirigia bagh iraghti,  
da ua igiabar otivigham.

Egh me migeir migirigia ba bar zuegh  
bar deragham.

Egh me ua aseba ko, mikiman kogham,  
me narara mikimam.

Egh me navir vamira iki, nan ingangarim  
damuam.

<sup>10</sup> Nan gumazamizibar marazi tintinim in kantrin  
igharazibar ghue,  
ezi marazi kantri Itiopian iti,  
me ofaba inigh na bagh izam.

<sup>11</sup> “Nan gumazamiziba,  
ia guizbangira nan akam batoke.

Egħti ki bizir kabar amuti da otivamin dughiam in,  
ian tongin itir gumazir uari fa akaba batoziba,  
ki bar me batuegham.

Egħti ia Jerusalemin ikiam, kar nan mighsiam,  
egħi ia ifagħati ua nan akaba batogħan  
kogham.

Kamaghin amizi, ia uamategħ Jerusalemin  
izegħiiva,  
ni ua uan arazir kurabagh nighnigh  
aghumsighan marki.

<sup>12</sup> Egħti gumazamizitaba, ki me ategħti me  
Jerusalemin nguibam in ikiam.

Me bizir aviriba puvatigh guizbangira uari  
dikabiraghgam.

Egh na bagh izi uarir akurvaghsı nan  
azangsigham.

<sup>13</sup> Israeliian ikiavıra itir varazira, men dibobonim  
bar sufi.

Me arazir kurabar amuan koghıva, akar  
ifavaribar amuan kogham.

Me guizin akabar amu, egh ifaran kogham.

Me deraghvıra dapiagh avughsam,  
eghti bizitam me damutı me atiatingan  
kogham.”

### *Bar akongeghamin onger akar mam*

<sup>14</sup> O Israeliian gumazamiziba, ia pamten dimiiva  
ighiabar amu!

O gumazamizir Jerusalemin nguibamin itiba,  
ian navir averiaba deraghtı ia bar akuegh  
mamaghıra iki!

<sup>15</sup> Ikiavıra Itir God, ia gasighasighasa mikemezir  
akar kam,  
a anegivagha ian apanibar agirazi me are.

Ikiavıra Itir God, a Israeliian atrivim,  
a ian tongin iti.

Kamaghın amizi, ia bizitamın atiatingan  
markı.

<sup>16</sup> O Jerusalem, Dughiam iziti me ni mikim suam,  
Ia Saionin gumazamiziba, ia puram akongıva  
bizitamın atiatingan markı.

<sup>17</sup> Ikiavıra Itir God, a ian God, a ia ko iti.

An gavgavim ian akurazi, ia midorozimin uan  
apaniba abira.

A ia bagha bar akongegh ighiabar amuam.

Mati gumazamiziba uari akuva Godin ziam fa  
onger akabagh ami moghin,  
a ia bangin pamtem ongam.

Guizbangira a bar ia gifonge, ia kamaghin  
nighnizir kam damuti,  
a migirigbagh asagham.

**18** Ikiavira Itir God ua kamaghin migei,  
“Ki faragha puv ia gamizi, ia nan saghon iti.

Ia fo, ia nan ziam fe puvatı,  
ezı bizir kam ia gamima ia bar aghumsıki.

Ezı ki datirighin ua ia inigh izasa.\*

**19** Dughiar kamra, apanir ia abıragha paza ia  
gamiziba,  
ki me gasighasigham.

Ia Israelian tintinibar kantrin igharazibar itiba,  
ia mati sipsipba tintinibar ghuezi, ian sueba  
ikufi.

Ki ia inigh ua ian nguibamin izam.

Ia datirighin igharaz darazir damazimin bar  
aghumsıki,  
ezı ki ian aghumsızim agıvagh ziar ekiam ia  
danielam.

Eghti nguazimin danganiba bar,  
dar gumazamiziba ian ziaba fam.

**20** Dughiar kamın, ia itir danganiba bar,  
ki ia inigh uamategh ian nguibamin izam.

Egh ziar ekiam ia danighti,

---

\* **3:18:** Hibrun akam me kagh deragha akamın mingarim  
abighizir puvatı.

nguazimin gumazamiziba bar ian ziam fam.  
Egh Dughiar kamin, ki ian ingangaribar amuti da  
bar deragh otivam,  
eghti ian dabirabim deragham.  
Ki Ikiavira Itir God, ki mikemegha gifafa.”

**Godin Eghaghanim: Akar Gavgavir Dikirizir  
Ghurim ko Igiam  
The Holy Bible in the Aruamu language of Madang  
Province, Papua New Guinea, 2020 Edition  
Buk Baibel long tokples Aruamu long Madang Provins  
long Niugini long 2020**

copyright © 2020 Pioneer Bible Translators

Language: Aruamu

Translation by: Pioneer Bible Translators

Contributor: The Seed Company

GOD'S STORY in the Aruamu Language of Papua New Guinea

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-06-21

---

PDF generated using Haiola and XeLaTeX on 11 Nov 2022 from source files dated 29 Jan 2022

8f6beb37-6783-55d5-91ed-8321cc3f5eea